

LER CONTA MOITO 2014

BASES DE PARTICIPACIÓN PARA AS BIBLIOTECAS NO PROGRAMA DE DINAMIZACIÓN DA LECTURA

A través do programa *Ler conta moito*, a Secretaría Xeral de Cultura da Consellería de Cultura, Educación e Ordenación Universitaria pon á disposición da Rede de Bibliotecas de Galicia un catálogo de actividades de dinamización da lectura para que, segundo as preferencias e necesidades de cada biblioteca, poidan acollerse ao programa, de acordo cos seguintes requisitos:

1. Adhesión ao programa Ler conta moito

1.1 As bibliotecas integradas na Rede de Bibliotecas de Galicia, ou con solicitude de integración antes da convocatoria do programa, que desexen participar en Ler conta moito 2014 deben cursar un escrito de aceptación das bases de participación e do sistema de xestión do programa. Este escrito de aceptación debe estar asinado polo alcalde ou polo concelleiro que teña as responsabilidades delegadas, e dirixirse ao seguinte enderezo:

**Servizo do Sistema de Bibliotecas
Biblioteca de Galicia
Cidade da Cultura
Monte Gaiás s/n
15707 Santiago de Compostela**

1.2 O prazo de admisión dos escritos de aceptación remata o 11 de febreiro de 2014.

2. Solicitude de actividades do programa

2.1 As bibliotecas interesadas en programar actividades de animación á lectura no marco do programa *Ler conta moito* deben cubrir o formulario electrónico de solicitude, accesible en <http://www.rbgalicia.es/solicitudes-subvencion-2014>

O prazo de solicitude será o comprendido entre **o 28 de xaneiro e o 11 de febreiro de 2014, ambos os dous incluídos.**

2.2 As bibliotecas deben realizar as súas propostas de programación sobre a base do **catálogo *Ler conta moito* 2014**, de actividades de animación á lectura, que a Secretaría Xeral de Cultura pon á súa disposición na páxina www.rbgalicia.xunta.es

2.3 As bibliotecas deben solicitar e programar un mínimo de dúas actividades; terán en conta que a Xunta de Galicia financia un máximo de 850 € por biblioteca. Esta cantidade pode minorarse en función do número de solicitudes recibidas.

2.4 O período de programación das actividades comprenderá do 3 de marzo ao 27 de outubro do 2014.

2.5 Para participar na edición 2014, a biblioteca solicitante debe achegar a seguinte documentación:

a. Planificación de actividades 2014 da biblioteca

b. Memoria das actividades desenvolvidas en 2013, de acordo co seguinte esquema:

- Breve descrición da programación das actividades desenvolvidas no 2013.
- Calendario de realización.
- Orzamento.
- Destinatarios (ámbito territorial, número de destinatarios, niveis de ensino ou colectivos sociais aos que se dirixan).

3. Obrigas das bibliotecas no desenvolvemento do programa

As entidades públicas e demais persoas xurídicas titulares das bibliotecas adheridas ao programa *Ler conta moito* están obrigadas a:

3.1 Poñer á disposición dos profesionais dinamizadores as infraestruturas necesarias para o desenvolvemento efectivo de cada actividade contratada. As actividades deben desenvolverse axeitadamente nos espazos da biblioteca ou nos seus espazos anexos, para manter unha relación clara entre o servizo bibliotecario e a actividade de promoción da lectura.

3.2 Organizar puntualmente cada función. Cada programación debe confirmarse no formulario electrónico correspondente e garantirase a actualización permanente do calendario do programa *Ler conta moito*.

3.3 Colaborar no desenvolvemento de accións complementarias da actividade programada, para maior aproveitamento desta. Para isto contarase coas propostas definidas no proxecto da actividade incluída no catálogo. A biblioteca velará por establecer unha relación directa e explícita cos seus fondos (libros, música, información na rede, publicacións periódicas etc.), de maneira que se favoreza un interese posterior por parte dos participantes, ou que se lles facilite, de maneira positiva e lúdica, información sobre o uso da biblioteca.

Todos os gastos derivados das tarefas complementarias, así como da difusión local, corresponderanlle á entidade titular da biblioteca.

3.4 Incorporar o logotipo de *Ler conta moito* e da Xunta de Galicia en todas as accións de difusión ou actividades complementarias do programa.

3.5 Cargar directamente no blog do programa unha imaxe que visibilice como foi o desenvolvemento da actividade na biblioteca, así como un comentario explicativo que a acompañe, ao remate da actividade ou nos cinco días seguintes á súa conclusión.

3.6 Completar a avaliación da actividade desenvolvida, en formato electrónico. Farase referencia á satisfacción e ás incidencias rexistradas, e incluíranse os comentarios que se consideren de interese para outros programadores.

A avaliación cubrirase conforme co procedemento establecido polo Servizo do Sistema de Bibliotecas, nun prazo non superior aos cinco días hábiles inmediatamente posteriores á celebración da actuación.

3.7 Facilitarlle ao dinamizador ou á dinamizadora a certificación da biblioteca de que se realizou a función, ao remate desta.

3.8 Todo o acompañamento e difusión das actividades do programa Ler conta moito farase en galego.

4. Condicións económicas

4.1 A Secretaría Xeral de Cultura cofinanciará as actividades do catálogo do programa *Ler conta moito* seleccionadas polas bibliotecas, de conformidade coas súas dispoñibilidades orzamentarias.

4.2 A Secretaría Xeral de Cultura aboará o 75% do seu custo, tras a realización das actividades debidamente xustificadas.

4.3 O investimento máximo da Xunta de Galicia para o desenvolvemento do programa Ler conta moito é de 850 euros (impostos incluídos) por cada biblioteca.

5. Causas de exclusión da programación de promoción da lectura

As bibliotecas consideraranse excluídas da programación para todos os efectos, logo da correspondente resolución motivada da Secretaría Xeral de Cultura, no caso de incumprimento de calquera das obrigas estipuladas nesta convocatoria.

6. Resolución de dúbidas

lercontamoito@xunta.es

881 999 280 981 957 026

CAU (Centro de Atención ao Usuario) 902 922 349